



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 6 DE SU 25/01/2023

OGETU: APROVATZIONI DE SU CUESTIONÀRIU PO IS ARRELATAS ANNUALIS DE SU SÌNDIGU DE IS COMUNUS CUN POPULATZIONI SUPERIORI A IS 15.000 ABITANTIS CHI PERTOCAT SU FUNZIONAMENTU INTEGRAU DE IS CUMPUDUS INTERNUS ANNU 2021.

S' annu 2023, su 25 de su mesi di Gennàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

<i>Nòmini e Sangunau</i>	<i>Càrriga</i>	<i>Presenti</i>
Beniamino Garau	Sìndigu	Eja
Dessi Donatella	Assessori	Eja
Frongia Pietro	Assessori	Eja
Montis Giovanni	Assessori	Eja
Sorgia Silvia	Assessori	Eja
Solinas Marco	Assessori	No
Garone Katuscia	Assessori	Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi in chistionis de averiguamentu de gestioni:

- s' art. 147 de su D.Lgs. n. 267/2000 nci ponit su cumpudu de gestioni ainturu de is castas de cumpudus internus chi is entis localis depint cumpriri po nc' assegurai s' atzivesa, s' atòliu e s'economia de s' atzioni amministrativa, aici puru po mellorai su raportu intre costus e arresurtaus;

- is artìculus 196, 197, 198, de su D.Lgs. n. 267/2000 previdint s' aplicatzioni de su cumpudu de gestioni po assegurai sa verìfica e ponni in pràtica is obietivus de programa, sa gestioni de is resursas pùblicas a manera currègida e econòmica, imparzialidadi, su caminu bonu de s' amministratzioni pùblica e finas sa trasparèntzia de s' atzioni amministrativa;

- s'art. 198 bis de su D.Lgs. n. 267/2000 introdùsiu de s' art. 1, puntu 5 de su D.L. 12 de argiolas 2004, n. 168 mudau in sa Lei 30 de su mesi de argiolas 2004, n. 191, cunforma a su cali, po su chi spetat is sistemas de cumpudu de gestioni segundu is artìculus 196, 197 e 198, sa struttura operativa chi dd' ant assinnau sa funtzioni de cumpudu de gestioni intregat s' arresurtau finas a sa Corti de is Contus;

Biu su Tìtulu III "Cumpudu de Gestioni" de su Regulamentu de is Cumpudus internus aprovau cun Deliberatzioni de su Consillu Comunali n. 87 de su 14/12/2015, mudau cun deliberatzioni de su Consillu Comunali n. 68 de su 30/11/2017;

Bida sa Deliberatzioni n. 16/SEZAUT/2022/INPR de sa Corti de is Contus chi aprovat is "Lìneas ghia e su cuestionàriu po is Arrelatas Annualis de su Sìndigu de is Comunas cun populatzioni prus arta de 15.000 abitantis, de su Sìndigu de is Tzitadis Metropolitanas e de su Presidenti de is Provìntzias asuba de su funtzionamentu integrau de is cumpudus internus in s' annu fiscali 2021 (art. 148 D.Lgs. 18 de austu 2000, N. 267);

Arremonada sa Deliberatzioni C.C. n. 29 de su 31/03/2021 de aprovatzioni de su Bilàntziu Finanziàriu de Previsioni 2021/2023 e de is allegaus cosa sua e sa Deliberatzioni G.C. n. 68 de su 28/04/2021 de aprovatzioni de su Pianu Esecutivu de Gestioni 2021/2023 (PEG), de su Pianu de is Obietivus 2021 e de su Pianu de sa Performance 2021/2023;

Bida sa Deliberatzioni G.C. n. 129 de su 14/07/2022 chi at aprovau s' Arrelata asuba de sa Performance de s'annu 2021;

Bida:

- sa deliberatzioni C.C. n. 63 de su 05/08/2022 de aprovatzioni de s' Arrelata asuba de sa Gestioni e de su rendicontu de s' annu 2021;

Cunsiderau chi cunforma a s'atividadi cumprida de sa struttura operativa de su cumpudu de gestioni in s' esercìtziu 2021 s' est aprontau:

- su "Cuestionàriu po is Arrelatas Annualis de su Sìndigu de is Comunas cun populatzioni prus arta de 15.000 abitantis, de su Sìndigu de is Tzitadis Metropolitanas e de su Presidenti de is Provìntzias asuba de su funtzionamentu integrau de is cumpudus internus in s' esercìtziu 2021";

Arriciu parri a favori de regularidadi tècnica dae parti de su Segretàriu Comunali cunforma a s'art.

49, puntu 1, de su D.Lgs n. 267/2000;

Cun votatzioni a totòmini,

DELÌBERAT

De aprovai su Cuestionàriu po is Arrelatas Annualis de su Sìndigu de is Comunas cun populatzioni superiori a is 15.000 abitantis, de su Sìndigu de is Tzitadis Metropolitanas e de su Presidenti de is Provìntzias asuba de su funtzionamentu integrau de is cumpudus internus in s' esercìtziu 2021" in allegau a custa deliberatzioni etotu;

De pigai atu chi su "Documentu finali asuba de su Cumpudu de Gestioni 2021" dd'ant imbiau a sa Corti de is Contus Setzioni Regionali de Cumpudu po sa Sardìnnia e intregau finas a su Collègiu de is Revisoris, a su Nùcleu Internu de Valutatzioni, a su Consillu Comunali po mèdiu de su Presidenti suu, a is Responsàbilis de Setori;

De donai atu chi cun votatzioni a parti si decrarat in vigèntzia custa deliberatzioni, cunforma a s'art. 134, puntu 4, de su D.Lgs. 18 de austu 2000, n. 267.
